

**U G O V O R O N A B A V C I U S L U G E:**  
**Usluge najma pristupa Internetu i usluge konekcije za on-line streaming**

Zaključen između ugovornih strana:

**1. UNIVERZITET U SARAJEVU, Obala Kulina bana 7/II, 71000 SARAJEVO**, kojeg zastupa rektor prof. dr. Rifat Škrijelj (u daljem tekstu: Naručilac), ID broj: 4200494560007

**2. DIONIČKO DRUŠTVO BH TELECOM SARAJEVO, Franca Lehara 7, 71000 SARAJEVO**, koga zastupa v.d. direktor Kemal Avdagić (u daljem tekstu: Izvršilac), ID broj: 4200211100021, broj transakcijskog računa: 1610000030950577, otvoren kod Raiffeisen Bank.

### **I. PREDMET UGOVORA**

#### **Član 1.**

Predmet ovog Ugovora je nabavka usluge i to: **Usluge najma pristupa internetu i usluge konekcije za on-line streaming** (u daljnjem tekstu: Usluga) za potrebe i po zahtjevu Naručioaca, u skladu sa uslovima utvrđenim u Zahtjevu za dostavljanje ponude Naručioaca broj: 0101-2642-2/19 od 28. 03. 2019. godine (u daljnjem tekstu: Zahtjev za ponudu) i Ponudom Izvršioca broj: 08. 2. 1-38 - 30698/19 od 03. 04. 2019. godine (u daljnjem tekstu: Ponuda).

Izvršilac se obavezuje da u skladu sa Zahtjevom za ponudu, Ponudom i pozitivnim propisima koji uređuju predmetnu oblast, izvrši Uslugu.

Ponuda Izvršioca je u prilogu i čini sastavni dio Ugovora.

### **II. VRIJEDNOST USLUGE**

#### **Član 2.**

Ukupna vrijednost Usluge koja je predmet ovog Ugovora prema specificiranim uslugama, količinama i ugovorenim jediničnim cijenama iznosi:

2.198,60 KM (bez PDV-a)

(slovima: *dvijehiljadejednastotinadevedestosam KM i 60/100*)

što sa uračunatim PDV-om iznosi:

2.572,36 KM

(slovima: *dvijehiljadepetstotinasedamdesetdvije KM i 36/100*)

Cijena usluga obuhvata sve troškove koje Naručilac treba platiti Izvršiocu u vezi sa Uslugom.

Ugovorene cijene Usluge iz stava 1. ovog člana su fiksne i neće se mijenjati za vrijeme trajanja ovog Ugovora.

### **III. NAČIN I ROK PLAĆANJA**

#### **Član 3.**

Ugovorne strane su saglasne da će Naručilac izvršiti plaćanje izvršene Usluge u roku od (30) trideset dana od dana dostavljanja potpisane i ovjerene fakture od strane Izvršioca Usluge.

Faktura se dostavlja na adresu Naručioaca, Obala Kulina bana 7/II, 71000 Sarajevo, (Pisarnica).

Plaćanje se vrši na transakcijski račun Izvršioca Usluge.

#### **IV. MJESTO IZVRŠENJA USLUGE**

##### **Član 4.**

Izvršilac Usluge se obavezuje da će Uslugu izvršiti na adresi:

Swissotel Sarajevo, Vrbanja 1, 71000 SARAJEVO

Usluga se pruža u salama za sastanke i holu uz sale, Swissotela Sarajevo.

U slučaju da dođe do promjene mjesta ili adrese u toku trajanja ugovora, Ugovorni organ će pismeno obavijestiti odabranog ponuđača o promjeni mjesta, uz napomenu da promjena mjesta izvršenja usluge ne može uticati na zaključeni ugovor.

#### **V. NAČIN I ROK IZVRŠENJA USLUGE**

##### **Član 5.**

Ugovorne strane su saglasne da Izvršilac Uslugu izvrši, odnosno pruža u trajanju od 6 (šest) dana, sa periodom izvršenja od 14. 04. 2019. do 19. 04. 2019. godine.

Izvršilac je obavezan Uslugu iz člana 1. Ugovora izvršiti u roku, na način i pod uslovima određenim Ponudom Izvršioca i odredbama Ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U izvršenju usluga Izvršilac je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne poslove.

#### **VI. ODGOVORNOST I OBAVEZE NARUČIOCA**

##### **Član 6.**

Naručilac se obavezuje da:

- odredi Izvršiocu termin za izvršenje predmetne usluge;
- izvrši kvalitativni i kvantitativni pregled izvršene usluge;
- izvrši uredno plaćanje ispostavljene fakture u skladu sa članom 3. ovog Ugovora;

Naručilac se obavezuje isplatiti cijenu i primiti izvršenje usluga onako kako je predviđeno Ugovorom. Obaveza Naručioca da izvrši prijem ugovorenih usluga općenito se sastoji u obavljanju svih radnji u prijemu usluga koje se razumno od njega očekuju kako bi se Izvršiocu omogućilo da izvrši usluge.

#### **VII. ODGOVORNOST I OBAVEZE IZVRŠIOCA**

##### **Član 7.**

Izvršilac usluge obavezuje se da:

- izvrši predmetnu uslugu koja odgovara zahtjevima i kvalitetu utvrđenim u Zahtjevu za ponudu te u skladu sa dostavljenom Ponudom;
- daje servisnu podršku za vrijeme trajanja usluge;
- izvrši uslugu na mjestu i u roku utvrđenom ovim Ugovorom, bez ikakvih dodatnih troškova izvršenja za Naručioca;
- riješi eventualne reklamacije Naručioca konstatovane od ovlaštene osobe;
- ispostavi fakturu za izvršenu uslugu.

Izvršilac usluge odgovara za kvalitet izvršene usluge, saglasno propisima i standardima koji regulišu predmetnu oblast i uslovima za njenu proizvodnju i promet.

## VIII. TRAJANJE UGOVORA

### Član 8.

Ovaj Ugovor se zaključuje do okončanja izvršenja Usluge iz predmeta Ugovora.

## IX. PRAĆENJE IZVRŠENJA UGOVORA

### Član 9.

Izvršilac usluge se obavezuje da izvrši uslugu ugovorenih karakteristika i kvaliteta.

Kvalitativno i kvantitativno izvršenje usluge, vrše predstavnik Izvršioca i predstavnik Naručioca, koji potpisom zapisnika o izvršenju usluge potvrđuju da je usluga izvršena u skladu sa narudžbom Naručioca i Ponudom Izvršioca usluge, bez primjedbi.

U slučaju da predstavnik Naručioca, prilikom izvršenja usluge, konstatuje da izvršena usluga nije u skladu sa Ponudom ili da usluga ima nedostatke (u kvalitetu), predstavnik Naručioca je dužan da odbije prijem takve usluge, te sačini Zapisnik o reklamaciji koji potpisuju predstavnik Izvršioca usluge i predstavnik Naručioca. U slučaju reklamacije, Izvršilac je dužan da, o svom trošku, u roku od 1 (jednog) dana, od dana sačinjavanja Zapisnika o reklamaciji izvrši novu uslugu odgovarajućeg kvaliteta, a ukoliko to ne učini, Naručilac ima pravo na jednostrani raskid ovog Ugovora i naknadu štete.

Smatra se da je Izvršilac usluge izvršio uslugu, danom potpisivanja Zapisnika od strane predstavnika ugovornih strana.

## X. KONTAKT

### Član 10.

Naručilac i Izvršilac su saglasni da će se sva korespondencija u vezi sa izvršenjem ovog Ugovora voditi putem ovlaštenih osoba za kontakt:

Ugovorna strana	Kontakt osoba	Kontakt telefon ili e-mail
Naručilac	Enes Halilović; Sanel Sefer	(033) 560-240; <a href="mailto:enes.halilovic@utic.unsa.ba">enes.halilovic@utic.unsa.ba</a> , <a href="mailto:sanel.sefer@utic.unsa.ba">sanel.sefer@utic.unsa.ba</a>
Izvršilac	Mahir Haračić	(033) 615-545; <a href="mailto:mahir.haracic@bhtelecom.ba">mahir.haracic@bhtelecom.ba</a>
Izvršilac	Dragan Duvnjak	(033) 255-093 <a href="mailto:dragan.duvnjak@bhtelecom.ba">dragan.duvnjak@bhtelecom.ba</a>

## XI. RASKID UGOVORA

### Član 11.

U slučaju neizvršenja obaveza ugovorne strane su saglasne da se Ugovor može raskinuti pismenim putem, uz otkazni rok od 7 (sedam) dana od dana prijema pismenog zahtjeva za raskid.

Naručilac ima pravo jednostranog raskida Ugovora i zadržati pravo na naknadu prouzrokovane štete, ukoliko se Izvršilac ne pridržava odredaba ovog Ugovora u cijelosti, kao i u slijedećim slučajevima:

1. Ukoliko Izvršilac kasni sa izvršenjem usluga,
2. Ukoliko kvalitet usluga ne odgovara ugovorenim,
3. Ukoliko Izvršilac ne otkloni nedostatke po primjedbama Naručioca,
4. Ukoliko Izvršilac iz bilo kojeg razloga osim više sile, dođe u situaciju da ne može izvršiti ugovorene usluge.

U slučaju raskida ugovora, ugovorne strane su saglasne da će u svemu izvršiti međusobne uzajamne obaveze nastale do tog roka.

## XII. RJEŠAVANJE SPOROVA

### Član 12.

Sve eventualne sporove do kojih dođe u realizaciji ovog Ugovora, a koji se ne mogu riješiti sporazumno u duhu dobrih poslovnih odnosa, rješavat će nadležni sud u Sarajevu.

## XIII. ZAVRŠNE ODREDBE

### Član 13.

U skladu sa članom 72. stav (6) Zakona o javnim nabavkama, Izvršilac usluge nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u izradi tenderske dokumentacije ili su bila u svojstvu člana ili stručnog lica koje je angažirala komisija za javne nabavke, najmanje 6 mjeseci po zaključenju ovog Ugovora, odnosno od početka realizacije ovog Ugovora.

Ugovorne strane su saglasne da se za sva druga pitanja koja nisu regulisana ovim Ugovorom, a budu od značaja za implementaciju istog, kao supsidijarna pravila primjenjuju norme Zakona o obligacionim odnosima.

Sve izmjene i dopune ovog Ugovora mogu se vršiti samo uz postignutu pismenu saglasnost ugovornih strana. Bilo kakvi usmeni dogovori predstavnika ugovornih strana neće imati pravni značaj.

Ovaj Ugovor stupa na snagu kada ga potpišu i ovjere ovlašteni predstavnici ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka ugovorna strana. Svi primjerci važe kao original i imaju jednako pravno djelovanje.

**NARUČILAC:**

**Rektor**

  
**Prof. dr. Rifat Škrijelj**

Broj: 0101-2642-4/19  
Sarajevo, 04. 04. 2019. godine



**IZVRŠILAC:**

**v.d. Direktor**

  
**mr. Kemal Avdagić**

Broj: UOZ-19-947/19  
Sarajevo, 09. 04. 2019. godine